

西浙泉厓邵先生詩集

西泚泉厓邵先生詩集卷之四

西蜀門人明厓張景賢梓

西蜀門人對厓周孔徒校

鳳雛吟為東泚馮湖州賦六絕

粲粲雙鳳雛飛飛下天只朝餐蒼梧烟莫吸瀟湘水  
鳳鳥不世出鳴岐來震廷穎川近見之千古稱神明  
皇祚日已昌六龍遠相控豈無名世者應期產雙鳳  
羽翼須養成飛翔見文綺眇彼鸚鵡雀儔太息何當已  
奮翅風九垓噴沫雨天下卓哉龐士元冰鑑胡為者  
老鳳出丹山朝陽心已赤挾子一翻飛鳳池振雲霓

壽馬乾菴父愛竹翁七十

春日蔭琅玕參差千箇立虛心不受滓高標有餘直  
天地結煩惱雨汗一揮洒高眠此君亭清風時上下  
竹枝秋意新竹葉晚香冷涼飈掃落陰明月弄孤影  
璚華點蒼王虬枝鳴綠綺擬結歲寒盟美人隔湘水  
籊龍斑已成頭角崢嶸起執轡一以震回翔際天只  
九日風前酒黃花傍酒開此君娛壽日抱節自徘徊  
老幹凌風出茈斑舞袖回文尊雙獻壽幾度笑言開

徐節婦

彩鳳驚林杪條條謝羽翰青鸞中夜舞孤影不勝寒

簾灯照永夜蟋蟀堦下語歌枕不成寐坐見霜月苦  
秋杪過况雲岡神寓話晚作美容吟

美容媚淺渚木落繁秋陰彼美忽不見幽禽空好音  
采采美容花盈盈隔江水美人且遲暮歎息何能已  
美容照水面風露沾人衣相逢各一咲把酒渾忘歸

贈夏冠山賢郎子雲三物詩

御墨龍腥濕青袍草色新此時應得意扇動曲江春  
即扇景勛夏子

杏花春雨急楊葉晚風號努力竿頭進前江雄巨鼇

王龍洞題名

有序

王泉山之陽有白石洞淵邃璠鞠岩壑崛起西山之勝也桂洲宗伯以玉龍合名之似也勒石題名大書岩下白石連子偕予偶來適與名會乃不揣僭塵蚤簪用荅龍吟

空洞白石古方折王泉明一洞泉頭水千年石上名

解石

白石以吉士出牧日照更建平石澗建平之紀也

明山有神寶氣結扶車精未遇荆楚人白石良自貞

解一

白石簡王堂移置東海東日出照白石萬里明長虹

解二

虹拖白石澗澗底見潭影下有蒼王龍光彩常炳炳

解三

龍蟠白石出丞霧日沉赭至人點化問霖雨遍天下

解四

解泉

不肖先民墓西  
湖之玉泉故云

地道結元陰石罅竅玄奧涓涓復淙淙江海歸大造

解一

泉水碧于玉泉聲清似琴豈曰濯我纓亦以明我心

解二

結亭在岩下斲石在泉上山泉出亭陰吾道可色象

解三

我愛泉如玉湖南萬里心秋風思木落涼月見岑陰

解四

惜別解送沙洲徐憲副景嵩歸遼陽

皓月一當空白雲終在山人生重離別千古成悲歎

解一

歎息何能已對酒忽千里逝水不復回高鳥去天只

解二

天涯時憶君山海隔重雲君從赤松子辟穀超凡羣

解三

離羣徂昌黎明發經燕臺千金惜馬首今古終塵埃

解四

塵海不可測，高天澹無色。中夜令人驚，魚龍暗相擲。五解

富庄道中和禽西愚陳子

黃沙翻白晝，亦自好懷開。忽爾傳瑤什，翛然對錦裁。  
沙沉瀛海國，草沒阜城庄。安得饒禾黍，吾民回小康。  
老父臨終思及不孝言，即哽咽憶而成章。

念兒蜀道難，萬里去復返。興言一哽咽，心與神俱遠。  
念兒醇孝心，迎我淮濱養。水曹清可依，卧我羲皇上。  
念兒無私蓄，一獻一高堂。甘旨有餘俸，何常一計量。  
念兒湖墅別，朱紱殫歡晏。忽爾報哀音，能不劇驚變。  
念兒榮君恩，進我四品服。橫金朝上清，心也死，不惡。

廬墓十哀

孤月上東林昏鐘遞遠岑巡廬聲轉急一點一酸心  
山空風抱寺泉鎖石成臺四顧悄無語惟傳猿雀哀  
舞衣剛着休淚眼忽攢眉豈虞萬里行遂成長離別  
神鬼日我依一夜九回夢不省病來容自覺心常痛  
結茆在泉上思親在泉下泉深咽不流助我傷心者  
墓傍無宿草墓下有啼烏血盡情何極枝頭夜轉呼  
斜月透牕楞坐見冠蓋影生前不解供沒後徒耿耿  
霜風寒砭骨廬次更凄然有夢心常哽無灯影自憐  
夜半風和雨溪頭雲水深松聲忽到耳愁絕野人心



叩地復號天天高不爾知春聲無限思卒哭有餘悲

東岩佳勝

有序

汝湖之陽爲東岩豈東山之遺乎窈窕黝糾邃不可測  
一日侍少宰汝湖游衍縱觀秘發竒觀摘其景而賦之  
爲什者四益以二用呈台囑伏伺指評

浴影潭

玄岩敞幽壑入壑潭水靜上有青虬枝回飈整雲影

尋芳徑

園林好花樹春到日芳菲更得尋芳侶紅香入翠微

迎仙洞

青霞紆洞口來往神仙窟安期安所期王遂湛秋月

撫松亭

爲愛陶彭澤孤松興不孤蒼生天下望安石意何如

來鳳亭

神鳥見明時載叶虞周靈翻飛來帝梧暫止丹山亭

凌虛壁

半壁延山月全谿攬石雲鳥還知故道鴈度失同群

通瞻閣

高閣出太空簷虛搏紫清崇巒一瞻眺咫尺窺軒楹

躡雲梯

入壑思全騷穿雲級轉高  
草香厭客屨花霧浥征袍

岩岩石

連峰盤紫極積翠薄中台  
屹爾崑崙柱褒然天廟材

點易竇

天際神光發露下葉泥泥  
點滴靈竇虛悟得先天理

小石梁

梯雲山作磴駕海石成梁  
只尺天台路青精飯夕陽

分嵐嶠

山深經宿雨嵐氣平猶閣  
隨風過別嶠萬里見寥廓

倚風屏

仄阪玄飈發平厓爽氣通山屏當谷口香合萬花塋  
捫蘿磴

撩雲千絕巘拾級引崇岡不識登攀險因依蘿萼長  
叢秀亭

小構松柏枝葉葉春風緣不學桃李花雪後更惹霜  
聽王坡

高天噴寒瀑隨風下空壁獨立坡上聽琤琤自相擊  
棲霞島

壺嶠多飛雲去住任朝夕明霞終不移爲有殢霞客  
披茸岫

遠岫鬱嶙峋春風芳草新臨書青作帶藉地綠成茵

通玄谷

阿谷萬緣空天門一箭通烟霞春不斷丹火夜常紅

眺遠亭

露宇千尋上晴湖四望通尊前邀去鳥天外覲歸鴻

欵香亭

亭外花枝鬧亭前花氣薰風來一開落蝶去更飭氤

吟柯峽

階庭瓊瑤枝照耀珊瑚柯主人一延吟好鳥鳴山阿

停驂麓

紅雲上山巔白雲下山麓興到一停車題詩滿青竹

賓鷗閣

白鷗海上飛不與丹鳳羣日出照河閣野客時相聞

凝暉嶂

月轉星依障雲開日隱屏扶桑春不斷蒙谷夜常扃

弄月窩

明月入我窩把玩不去手桂樹新葳蕤天香日盈缶

覽勝所

湖容開石鏡峰影落青蓮坐對已披豁晴雲仍滿前

憐芳齋

雨急遞春還院內花零落遊絲骨不飛爲惜輕拋却

習靜菴

定性窺元化探玄緝寶華  
中常守火門外任飛花

歲春塢

春到花無數春歸花不稀  
東風無信息塢外蝶先飛

吟秋壑

秋氣先林壑無風葉自吟  
思君千里夢偏向此中深

觀瀾處

蒙莊坐濠上見道濔濔處  
不有望洋心孰得觀瀾趣

濯纓亭

南國簪纓舊東山草木香溪亭春雨過及此間滄浪

洗屐池

上山看花回下山屐齒脫脫屐洗涇頭花香半披豁

酌清澗

谷口屏勞囂巡溪入澗遙澗清真可挹夢寐尚中朝

摘翠樓

柏偃圍蒼殿樓危切紫垣多君樹即槩引手翠華繁

儀鳳岡

東岡睇朝暉老鳳日棲息下有千金雛春風生羽翼

調雀臺



酒翰出青霄閒心埋丹客坐令氣吞吐吭響徹空碧

友廉壇

山深草木深麋鹿任長往爲結烟霞盟雞壇日成享

皆春樓

四時花不卸千日酒常青把酒看花發樓頭春自醒

枕流磯

朔雪舊沒磧春水初涵磯枕流彌俗况嗽石欵朝衣

探奇窟

結駟眠玄碣迴輶怯危島探奇坐不歸初月淡如掃

夢侍先君語哭醒記夢中作

春雨夜如絲秋堂夢轉疑梁空空燕語痛哭不能支

題秋壑扇景

白幘白于蓮青袍青見草高人坐太清恁麼花煩惱  
題歸雲菴和南坦劉司空韻四絕

溪口一片雲去住本無主不向溪頭歸去作商家雨  
雨過草木著蒲懷春拍拍春歸雲未歸坐見風雷益  
洞口雲常濕孤飛去復回從龍現頭角慙愧濟川才  
浮游天際陰大塊發深墨溪深雲不歸老衲緬相憶

松園八景爲日岩顧監司父遜松翁賦

榮壽堂

天休騰駢錫帝賚豈私賙怡神鍾金先考德義皇上

三槐殿

雙桂香襲衣三槐蔭盈畝豈徒慕遺榮種德本深厚

烟柳堤

門外楊柳烟舊識高陽望長隄信馬蹄興在斜陽裏

惜陰齋

天道運籌  
術區區  
刻自強  
流光易拋擲

天  
池

个能通下從云滅雨過更疏雪

2

聞亭近水隈，薄暮度輕吹。爲愛月華新，小坐墳忘寐。  
拳石峰

君山十二峰，烟波日吐吞。移置鉅鉏潭，拳石巧當戶。  
流觴塢

蘭亭昔稱賢，曲水飛花劇。松園塢更深，爛醉平泉石。  
墳廬曲和戴仲勗宗工韻爲張淮川賦四絕

春心日摧折，春草時芳菲。可憐三春暉，不傍春風歸。  
長夏鬱蒼蒼，薰風忽聯翩。爲憐泉下人，號泣呼旻天。  
秋高紅葉落，日暮黃雲低。不禁霜風寒，更愁烏夜啼。  
悲風起天末，吹雪幾千丈。山人泣泉堂，野壑怨空帳。

大佛禪房候石川通叅不至和王雲谷扇韻

青牛出未還自寧歌誰與兀坐石佛頭四山自賓主

東湖亭十詠和別劉虹江水部

柳溪

臘月溪上柳朔風吹雪深長條繫遠懷愁絕離人心

檜徑

復檜千百年根幹半鐵色虬然松柏姿不愧歲寒德

探梅

老梅得氣先春心傳臘信一枝折贈君細向羅浮認

看竹

一  
一  
一  
一  
一把玩雪后見操持

蕉

秋葉雨

點滴秋可數  
寄遠人一片鄉心苦

荷風

水珮展風裳  
清江出浥淖  
卓哉周元公  
允矣花君子

水亭

夢得本仙才  
桃花問前度  
何日東湖亭  
重來天所助

江樓

今樓歟江皋  
一覽盡吳越  
高鳥沒胥臺  
神龍探禹穴

魚池

橫塘千頃陂游魚各生息亦有涸轍鮒升斗且恩澤

岩桂

天香依月殿君折高枝看老我岩棲便何當賦小山

題眉陽蘇子畫梅扇和酉室王吏部韻二首

孤嶼舊隱淪隅浦噴香雪折取最高枝徧向蛾眉月  
朔氣凝不流花老飈晴雪湖南今見春半侵梧桐月

覽周八厓監司壬午稿有感三絕

窮探千古史偶檢八厓詩聖代論才子君才迥自奇

曾識犀翁向當年官道傍風雲天萬里健翮正回翔

愁長徧端酒髮短不堪簪獨立閒階夜回看天際陰

西浙泉厓邵先生詩集卷之五

西蜀門人龍潭劉世魁梓

西蜀門人咸菴于德佑校

蘭谿道中曉發

戊子九月朔日

杲杲日烘羽帽盈盈露濕仙輶  
霍背沙頭問路鷓鴣肩人  
外飛毫

柳叟風前有線楓飛霜後無花  
勾引小車輕隊待教秋  
色繁華

瑤草璫芝蒲路野人拋餅青山  
石角雲根候客藤枝竹  
葉開關



初夏郊行即事

北郭方憐去馬東郊又盼飛  
舷花落春歸何限獨留芳  
樹年年

小刺秧針出水輕翻麥浪平  
疇未夏先秋入望東皇無  
計淹留

石罅倒翻晴雪竹龍斜噴流霞  
借過一竿造化收成萬  
種生涯

緩帶魚懸金紫聯軒在控旌  
旛爲問薛濤家住山泉平  
近晴江

千古香魂何處翠翹粉靨  
花鈿咲對山翁問酒詩  
罇重

友開箋

天下治歸一統川西何事多岐惟底十牛九牧烟蓑雨  
角羈縻

臘入日東光道中志喜因簡西愚學憲三絕

北地常暄晴日臘朝不試嚴霜萬國朝 元有喜一人  
布德無疆

金焦山下雙渡齊魯道上遠從慙媿少城守吏敢聯南  
國儒宗

朔朝滕縣鄒縣臘日德州景州躑躅小車輕隊瞻依  
帝德皇猷

竹渠道上感懷因簡余大鵬晏杞二尹

千仞岡頭曙色九蟠陂下溪聲蜀道青天萬里不堪鎮  
日經行

黑石稜稜拒馬青溪故故迎人更好露花風篠何辭行  
役傷神

西崦紅光未了東林涼月相過助我一奩行色偏宜萬  
轉山阿

大竹操標種種宕渠流水年年春到渠香竹長隻飛威  
鳳爭先

丁巳除夕分歲紀事三絕

舊夜喜傳新釀老梅臙發寒香繞膝兒孫笑語分甘抱  
割何妨

入臘雪花五白臨除日暈獲黃不道雨暘時若應知物  
阜民康

臘盡歲將除去春迴夜未分時天際明星炯炯階除涼  
露垂垂

戊午元旦夙興佑聖拜 牌吳山瞻禮四絕

枕閣鷄聲再唱窓涵曙色初分近舍駢闐鼓炮遙天祝  
獻爐薰

習習東風布令輝輝旭日當權青駕尚迂七日彩毫端

慶千年

元日老臣瞻祝萬年 聖壽無疆彷彿玉堦獸舞分明

丹陛龍翔

山嶽一方重鎮神靈百代具瞻今日我來展禮五雲雉  
崔莊嚴

六日迎春有感三絕

曉起陰雲蔽野霎時晴日當空粧點十分春色吹噓萬  
里條風

彩仗當先得勝土牛亦自簪幡春過六街三市歡騰萬  
戶千門

憶昔三川郡守從以五馬行春回首這般富麗何如  
望風塵

七日雨中飲吳山晚過宗陽三絕

人日喜逢春令山行恰好携壺瞻對一帘圖畫湖天萬  
頃模糊

兄弟相將燕笑留連取醉山堂那更烟花滿路聊須點  
染春光

不盡高懷野興還過道院開尊半畝烟霞色相一天風  
雨黃昏

十三日曉霽諸兄弟子姪入天竺仍過玉泉感懷

四首

曉起星河爛若寒飈掠地如狂吹散一天冰雪瞻承萬  
里陽光

出郭儼如北地松濤倒捲清商驥子已堪導從鸚兒尚  
怯調簣

新歲瞻參佛國如來熟供心香一炷燈前祝願幾多身  
外安康

活水滌涸蒼玉遊魚變現黃金須識箇中趣味還憐地  
底容音

元夕並夜喜晴即事五首

珎月高天雲淨華燈初夜星羅鼓砲喧闌何在香車來  
往無多

不道來宵美滿那勝此夜高寒清沁一天詩骨招邀萬  
里風翰

三五清光良夜百千香燄華燈燦燁長虹貫斗盈盈玉  
宇含冰

十日陽春展布通宵香霧騰騰火砲風前有禁繁華開  
裏無憑

昨歲元宵坐雨今番五夜開晴醉攬烟花火樹歌傾鳳  
曲鴛笙



信守周鑑塘走使過草堂督海王方湖稅駕戒往  
元夕劉喧燈火故人遠使江鄉折簡風前懇款懸旌天  
外飛揚

千里推心寄念百希勸駕申情兩下鱗鴻扳遣一江煙  
月經行

正月廿七日啓行得句

出郭輝輝日麗開江習習風輕曲借一帆良便生憐千  
里孤征

浙水盤盤赴海桐江故故迎潮短楫風前奮迅長帆天  
外招搖

暮雨深沉鼓吹春風颭曳帆檣添却一江新水平灘彩  
鷁軒翔

夜泊愴懷

求夜高江苦雨滴碎離人懊懷野泊漫無雞唱天公底  
事安排

一棹乘春遠覽半江風浪難憑兀坐何緣命酒尋詩漫  
自挑燈

率爾離家半晌夢魂飛越千山昏黑富春江上羈縻愁  
緒潏潏

曉發喜風

曉發長風破浪舟行地底奔雷不道蛟龍蟄起驚看燕雀飛迴

夜半逗留渡口朝來飛泊江關憑仗一帘風汛舒開半鎖愁顏

會江簡別唐厓劉憲副

小泊喧傳憲從平臨歡覲文饒赤舄分携去旆錦帆掠動鮮飈

桐廬賦林峰簡溫尹易巖林人也

五嶺天函蒨浦九疑煙鎖離江曾似鬱林佳麗幽棲霧閣雲牕

林木陰森蔽日峰巒屹立當天勝入蒼梧甲第香醕丹  
荔周喫

緇嶺春綿霧雨金山晴攬煙霞高蓋忽來勾漏長生數  
問丹砂

緇嶺金山  
桐江之勝

冒雨入嚴郡賦可溪簡龍少府與潮人也

可是潮陽龍首

山名

春陰飛翥九天霖雨千溪萬壑江南

得早司權

嚴子灘頭雨過烏龍山下雲平變現一天鱗甲可堪溪  
上風行

耐可溪頭坐晚乘流欲上青天更仗好風飛度龍門雲

水安便

龍門水在  
蘭溪故云

暮泊兼紀曉晴有作仲春之朔也

野宿隔江西許灘聲徹夜掀銅風雨打窓更急一聯詩  
夢難成

穀旦旋開宿靄朝光漸抹明霞好趣韶華物候擁隨爛  
醉生涯

覽勝百年幽癖尋春薦地閒情簫鼓船頭櫂響風濤天  
際爭衡

蘭陰遭玉溪吳鬱林翰夜話有懷春湖蔡尹

灘瀨悵然獨往蘭荃詎意聯舟夜欲分還茶話燭頻轉

更猶夷

之子行方結綬吾生早已投簪邂逅何緣岐路摧頽兀  
自散談

鬱鬱蒼梧新命煌煌崇簡君行擊鼓風喧五馬吹蘆日  
擁雙旌

爲說春湖好客尊前花外鳴琴一曲美人何處蒹葭雲  
水方深

二日偕王溪開舟中途灘險百出夜泊有懷鑑塘  
信守

棹發蘭陰先後簫聲帆影依稀忽漫中流得渡相看彩

鷓鴣分飛

世路經行鳥道灘  
埏埴歷攬羊腸百歲幾煩塵夢千金那  
更垂堂

夕照暄妍野色春江光閃晴霞鼓吹腔沉梅柳帆檣影  
落雲沙

溪上停橈野泊灘頭坐酒閑吟入夜懷人耿耿長風逆  
瀨傳心

三日兩泊雞鳴山麓四日抵西安玉溪先發友石

鄭南雄過道三衢之勝

晚泊陰雲蔽野曉行晴日當牕兩足

難平失險帆輕風

正開江

季子風前放舸子真谷口迴車數問三衢名勝高尋姑  
蔑遺墟

太末從開秀壤上游衍出神臯夾岍千頭橘柚橫江一  
派風濤

五日玉溪開尊話舊夜泊牛頭山感懷

聯棹春風坐酒甕燈夜雨籠沙爲說桃源舊夢江空雲  
冷飛花

昨泊雞鳴山麓今灣牛首坡前千里秣陵形勝如何飛  
墮灘堦



六日發常山尋白龍洞王溪先行因訝地主

洞口一泓活水晶頭千仞玄潭何日白龍飛翥至今圖  
繞煙嵐

旌旆聯翩出郭軒車躑躅登途爲愛白龍洞古相忘至  
友先駟

金雞嶺爲信衢分界有感

白龍洞口發軔金雞嶺上停驂江浙近分此界信衢元  
自相參

七日玉山登黃谷山經塔山菴飲東岳得月亭

黃谷山連巖巖玉虹橋轉璚瑋黑虎關頭坐吼白龍太

外追迎

梵塔何緣萬劫空山一自千盤老鶴回頭振步長風木杪飛翰

關將名垂宇宙品樓小結茅菴兩架香盤及百願言各保田蠶

水榭周涵月色石闌斜倚梅魂可惜天開福地而今雲鎖玄門

八日謝虞泉三尹義川照府各招飲夜半聞雷

旅况那禁殢雨鄉情且自開尊夜晏寒侵肌骨酒酣熱透心魂

夜燕琴堂四座傳杯轉燭三更雨傍銅轆雜響戲當風  
化閑情

今日辰初起蟄昨宵子正聞雷氣候參差五刻寒暄倒  
紐千回

九日發玉山苦雨濤雷電交作幾至傾覆有感  
懷玉頻仍簡使沙溪衝冒驅車頭白老人奚自腰黃心  
友誰如

缺裂卒流震電奔屯忽迸驚雷簸蕩一天苦靄掣開萬  
里陰霾

昏黑長途老馬衝泥陟歷羊腸蜀道極天險遠曾如此

舊說上清神爽二山虎踞龍盤今日溪頭指點層層闕  
鎖山巒

碧玉灘頭放舸白沙崑際停橈爲覓仙踪隱隱隔溪忽  
度鳶簫

水激湍迴徹底崑虛秀拔排空獅子岡頭戲綵蓮華石  
罇流紅獅子蓮花皆崑名

山駐晴暉遲暮花迷邃谷長春笑倚蓬牕閣酒桃源錯  
認前津下有桃源觀

鬼燐歛然丹竈星杓倒挹酒漿白石爛春雲杵黃梁空  
鎖仙倉丹竈酒甕杵臼仙倉皆崑名

岩際嵐光白  
晶晶溪頭雲影憧憧鐵笛一聲何處梅花三  
美新腔

放舸東湖醉遊三圃即景與事口占十絕簡謝兼

峰鴻原二仙丈

雙駕平臨盡舸一尊先醉笙歌風雨山頭黯黯東西胡

面煙波

風雨  
山名

四顧山環圖畫中  
流輿入壺觴醉立船頭命酒雨來沾

濕何妨

何處青樓絕代當場一局樽蒲得勝任渠喝采扁舟棹

泊東湖

風雨連朝客路不知春已平分誤入桃源深處落花片  
片沾裙

堂背日憐萱草隴頭時見松楸孝子百年真感老親嘆  
世貽謀

靖節從開三徑陶朱區別九洲曾似鴻原投老放情湖  
園夷猶

學圃何緣見鄙治畦未足云勞識得菜根趣味安心澹  
泊真切

菜麥畦畦萬種平鋪綠玉黃金雨過一犁錦面風來百  
和檀心

夜雨一鎌新韭秋風千里香菰天茁助君鼎品小摘翊  
我行厨

龍竹千竿抱節名花四季生香那得相依老圃臨渠坐  
月飛觴

清明小奠愴懷泊安仁紫雲驛

客路偶逢寒食柳條斜插船頭洒泣一潭雲水含情千  
里松楸

水口紫雲涼月清明偏照羈人獨立船頭悄悄衷腸愁  
絕誰因

瞻祝寸心如割追思滴酒成哀懊恨無情簫鼓船頭聲

咽如雷

十三日弋陽開舟十四日始達信州舟中夢覺感

念

擢發葛溪三日回湍逆瀨千盤只尺上饒江館登天畦  
步留難

忽動家鄉夢兒曹笑口鼓開懊恨這般歡慶却憑瀨  
瀨驚回

旋信苦雨

來往饒江十日思瞻萬里陽光惟底天傾若漏愁教頭  
白如霜



忽爾驚回曉夢巡簷鳥鵲嚙嘈爭道杲杲出日那知其  
雨崇朝

發睦南津爲齊雲遊蒼山碧水如畫賞見三絕

棹發南津一曲碧灘漱石粼粼山更開屏列障此中大  
可棲真

向夕維舟涯埽碧天紅日西沉傍巘茂林修竹村庄賸  
好幽尋

曉泛潭空月冷灘聲亦自煩喧行到落花深處此身恍  
入桃源

卷終

西浙泉厓邵先生詩集卷之六

西蜀門人石洲張鑑梓

西蜀門人屏厓趙瑤校

緩緩歸

臨安里謠也錢武肅王作此曲以贈后官  
茲爲錦山遊效此体以自况云

陌上尋花霜葉飛女郎作伴拾寒暉秋花不比春花脆  
正好題詩緩緩歸

陌上寒花野菊香折來斜插髻頭黃劉郎此去歸來緩  
惹得遊蜂到處忙

春去猶探陌上花千紅萬紫亦堪誇笑携紅紫沾雲濕  
緩緩歸來月正華

贈葛芝山因簡程齋夫子

踏破蒼苔蠟屐痕  
草堂燒燭說黃昏  
思君欲寄南州信  
羞澁梅花未放魂

東風吹煖下江洲  
江閣梅梢凍未收  
忽報使君傳臘信  
暗香春色動梢頭

志雨十詠

淮濱祈雨有感而作

玄冬不雪春不雨  
整谷平渠生野蒿  
此日天涯多涕淚  
傷謫不獨爲民勞

白草黃塵漫野疇  
來牟那復說先秋  
楚江若隔天涯遠  
叫殺斑鳩渾未休

千山萬山飛火雲有客如癡坐欲焚格天自許仗直筆  
庭巫何以動氤氲

幾日齋居無底事精蒐脉脉向中宵分明直到天皇殿  
見說蒼龍下斗杓

淮北淮南江霧黃回看草色倍堪傷村前村後喧燈火  
爲報分曹禱雨忙

楊枝高揭小亭臺上有游龍出海來千百兒童呼喚處  
寶花曇葉望中迴

極浦霞光紅未了隔江烟靄遠相邀山靈頃刻催風發  
送入寒聲落夜潮

水竹居前聽雨聲  
枯槔原上水痕生  
淮河北岼天連海  
多少神魚抱日鳴

真武山椒雲若奔  
恭襄祠館雨如盆  
倉曹水部驚相問  
三五月屯何處村

楚天涼夜水雲浮  
斷續湍聲隔浦流  
曉起從人問消息  
一犁深雨萬家秋

和蒼谷王方伯韻

湖南雨過見新波  
山後春來長碧蘿  
獨立楚江頻悵望  
古槐疎柳月明多

高旌短楫下烟波  
蒼谷番然覩紫蘿  
莫道江亭輕遠別

五雲晴日夢寬多

和乾菴題扇并期春報二絕

高江冷落木葉飛江鱸千里秋風肥  
滄浪一曲不知路  
笑聽潮聲夜半歸

曲江江上花正飛神魚出浪春鱗肥  
翛然忽報南樓鴈  
帶取雲霄音信歸

聘蓀吟

昨夜香風入夢思也應蘅杜下江湄  
如何簾外多風雨  
不見湘靈負所知

題芙蓉黃菊三絕示弟仲學

芙蓉紅染荻蘆黃野渚秋風鴻鴈忙得食且教隨處足  
不須天外漫飛揚

高枝喜貯秋光老下萼同沾天露香爲問東籬好風景  
漫陪醪酒泛重陽

題芙蓉贈詹良通簿臨川

郊居霜冷木葉稀芙蓉醉染秋風肥一枝寄向江南別  
多少春心帶雨揮

採蓮圖

樾柳陰陰覆野塘畫船紅粉聞新粧東君自是憐顏色  
添得荷風一段香

楊瀛洲地卿索題先君所染紅梅

東風吹煖漫天涯  
萬玉凝粧點絳紗  
老去詞人仙骨在  
試將真影上丹砂

丹砂何處覓玄機  
醉把春心謾自揮  
千古香魂歸未得  
夢隨清影故依依

四牧唱爲槩谷王中丞題畫時槩谷謝官歸故云  
雨過桃花溪水香  
溪頭布谷催畊忙  
莫貪溪水香和美  
誤了插秧儂怎當

牛要耕田草要青  
牧牛辛苦那曾經  
暫時拋却牽牛索  
爛醉溪頭渾不醒



黑雲一片天東頭霎時風雨翻林丘蓑衣箬笠在何處  
努力耙牛歸便休

早起騎牛向遠村晚來牛飽還及門牛肥背穩不歸去  
橫笛短腔天地昏

七夕

青鳥傳言入漢庭當年金簡說長生鵲橋東度鷺驄遠  
雀駕西馳牛渚明

支機石冷髮雲光牛渚秋高天漢長不是星槎遞消息  
填橋烏鵲任誰忙

挽兩峰羅水部用文正亡宦詩韻簡端峰宗丈二

絕

東風朱紱下晴川  
把酒分携思惘然  
今日素題秋水遠  
故人空見月明船

燕山千里望盧州  
稚子衰翁淚洒然  
感慨宗公古文正  
來舟還仗范家船

方朔圖二絕

曼倩才華漢帝賢  
巧將身世托神仙  
桃花開結東風老  
誰向西池記歲年

漢帝求仙世所傳  
蟠桃啖處便三千  
如何東海尋靈藥  
不向西池泛藥船

贈洪生鰲和儼山翁韻

君子軒前月到時  
蒲階蒼翠坐吟詩  
疎枝瘦影春根淺  
萬里風雷那得知

苦節寒香亦有時  
何年占驗記吾詩  
竭來兩袖烟雲滿  
羨爾多爲長者知

直夫楊醫索題諸名公卷後病中感和三絕

春來何事病相如  
千里湖山憶舊居  
忽漫泉真傳藥裹  
長生從子問方書

橘泉之水橘潭頭  
潭靜泉明江水流  
好酌上流獻天子  
一行應上白雲樓

儼山學士筆有神少年揮酒更驚人吹噓不必河東賦  
梁龍能收天下春

五夜燈詞

悲絲急管喧初夜笑面喧拳鬧上元不道舊山傳舊賦  
爭誇新市出新香

玉館新妝恨可憎瓊樓豔曲調難憑花團袞就銀缸淺  
滿月還看後夜燈

月逢十五月光華燈火元宵夜更誇照徹九衢人不斷  
香車寶劍莫深遮

不歡昨夜憐今夜簫鼓通宵沸轉添酒透春風懸玉斗

花開火樹散珠簾

一歲豐占五夜燈  
九天涼沁百壺冰  
嚙情獨立不歸去  
滴盡銅龍低玉繩

東湖南匯呂子索題盡有感

東湖湖上田千頃  
禾黍秋風樂有餘  
側目何煩飛霍下  
碧天紅日照犁鋤

白石山房開宴賞花二絕

秋來把酒問花神  
祇事花枝刺眼新  
應是花魁常作主  
不教羯鼓夜催春

曲江春畫花如繡  
上谷秋風亦滿闌  
折向尊前陪笑語

枝枝葉葉不勝寒

龍灣殿卽事五絕

聖朝國用繁薪蘇萬年推抹供天厨弘開殿治龍灣下  
帶水依山真廟謨

千山萬山何蜿蜒丹厓塹起中通天輕車谷口失昏曉  
燈火張皇明紫烟

百畝周廻蒼莽多埤垣側疊牽藤蘿我來路宿長松下  
不住好風鳴珮珂

拒馬河邊見水痕遙從朔漠問河源于今南北河流別  
絕塞荒沙空草根

山園截嶮山木荒山下悲風鳴白楊  
累累石伸兩劍珮  
斷石無文空道傍

西山卧佛寺

路鎖香烟千尺塔門迎花雨七層臺  
空心何處尋緣結  
長卧山中夢不回

聞說毘盧能解脫涅槃般偈後黜真神  
于今文六金身在  
却像前生未了因

佛子舍身如脫屣回頭覺岬最難登  
若還留却皮囊舊  
寂滅云何說上乘

碧雲寺

碧雲深處見玄臺道是千金結構來指點箇中多富麗  
不知骨髓幾人哀

璚宮紺宇矗清霄複道迴廊宛聖朝不是諸天齊法  
護他年寶藏未堅牢

疊石成丘通鳥道刊山入地迸龍湫山靈自古多勞碌  
贏得高人作勝遊

錦雲堆裏亂烟霞翠柏屏開四季花祇事常春發幽也  
中官身世本無家

盧溝橋

萬里紅塵迴斷鴈千年鐵柱鎖長虹祇緣名利關難透



多少風沙向此中

水亭和韻二絕

谷口園開冰雪餘  
平分春色尚蕭疎  
簾掀喜見波心月  
影落驚吞潭底魚

朱夏紅香粉未勻  
翠鈿叢珥見芳春  
同心水曲酬君子  
回首湖南憶美人

益陽鄭尹有湖南燈火不聞鴻鴈句予足成二絕  
千戈初息靜風塵  
雨足郊原晚稻新  
百里鳴琴坐終日  
湖南燈火萬家春

湘湖秋老霜無信  
楚澤風和蝶浪橫  
應是稻梁墮瘠足

不聞鴻鴈一聲哀

來雀樓賞菊和高南庄韻四首

節後黃花開更奇  
金光瑤草蔓青籬  
上流喜得長生訣  
移向蘭臺獻壽詩

獨占秋風一段奇  
霜枝常得傍疎籬  
當年靖節多幽抱  
坐見南山好賦詩

西子眉顰醉後奇  
香奩招得到東籬  
姑蘇臺上秋風起  
搖落春心別有詩

蠟瓣檀心迥自奇  
千才萬槩見藩籬  
西川不數東平樂  
來雀樓前日賦詩

過菴次訪味江杜子不遇遭李五石開尊有作  
法雨慈雲散小菴少陵隨處寄行旃我來問訊江東司  
尊酒何緣共謫仙

李杜才名重大唐明朝今復見文章潭頭望眼花驚  
隔浦先傳翰墨香

春杪過懷東顧掌科書院開尊

昨宵風雨落花深檻外芭蕉自綠陰把酒尋春獨不見  
雙飛沙燕過江潭

初夏奉邀山泉郊憲副春山富太守二丈過草堂  
郊行綠樹枕香車細雨霏霏點絳紗爲說春歸歸未得

滿畦蕎麥漾紅霞

青紙坊送春山江州四絕

長夏江深草樹繁  
春山入畫辨征軒  
故人話久心相許  
夢裏頻驚笑裏言

濯錦江頭聞井亭  
薛濤清沁草痕青  
當年不解相思曲  
留得琵琶峭可聽

海棠香國百花潭  
兩地花神笑語酣  
拚醉分枝愁短笛  
一聲隔浦恨誰簷

天涯愁絕鵲鴿原  
野水分飛鴻鴈喧  
安得春風生羽翼  
鳳池萬里共高騫

漢江吟簡九川呂中丞

漢江一夜雨聲屯  
搗石橋頭新水痕  
立馬艤舟不得渡  
九州何地覓真源

繁陽山下浴丹泉  
中有仙人不記年  
一度蟠桃一結子  
春風何必問三千

中岩喚魚池石上和韻

我來喚魚魚不驚  
一泓影落烟光明  
也知石罅通海窟  
躍出鯢鯨風浪生

雲夢道中書壁和豐村大道韻

萬里西來竟夢清  
登車按劍壯心生  
青天蜀道無多險

今日康莊更可行

潛山吳永璽助予行色有感

誰言蜀道登天險我亦三川自坦途  
爭似潛山山下路眼前世味轉崎嶇

萬里乘來五馬車潛山山下重躊躇  
相逢季子如相識何日相看隻珮琚

荏山道上感懷

曉聽雞聲結佩簪星光入夜未停驂  
瞻心紅日青霄近萬里風沙只自甘

書魚丘驛一簡西愚學憲一致高唐周生

馬首紅塵望欲迷  
多君青眼遠相携  
高唐不是陽臺路  
步入平原日未西

旌車影急魚丘道  
鼓砲聲連馬頰河  
自是主人能愛客  
不妨去住任經過

鄭城宿蕭寺有感

野寺深更獨不眠  
月光剛照佛燈前  
鄉心一刻三千里  
惟底風塵未了緣

聞鴈有感

鴻鴈撩雲各有聲  
北風分影度寒更  
稻粱此日慙予拙  
霄漢何年共此行

丁酉都門歲除

天涯尊酒憐除夕醉裏燈花巧勝春  
自是東風勤向煖上林梅柳倍精神

歲除夜傍明河轉臘去春從爆竹回  
試向園中探甲子百年消息定掀脰

泰安道中

柳葉桃枝三兩村東皇底事亂投根  
風沙拍面猶顏色不道湖南斷客魂

玉女池見緋桃

岱岳山頭玉女池池頭花發洗頭時  
道人道尋春晚



萬顆野桃紅折枝

和韻爲郎草橋題畫

緋衣烏帽畫生涼  
文彩相看白玉堂  
贏得草橋烟水興  
竹風蕉雨夜來長

張園梅下候南池舒太行入夜不至

梅花欲開不自開  
香風遙傍隴頭來  
一枝萬蕊籠新月  
影入池南夢未回

蠟瓣已傳姑射信  
紅香擬結羅浮緣  
美人何處獨延佇  
笑倚長風裁錦箋

出中和門逆南池謁昭烈陵過青陽道院疊韻

躍馬南郊烟靄開柳眉豆眼報春來陵園爲說前朝事  
把酒新亭恨幾回

通明觀高高接天降生臺只說前緣好果紫氣三千丈  
一寫瑤光九萬箋

江上豐山孫大叅出蒲萄畫索題爰賦三絕

采石春晴江路平瑤躔珠斗夜分明隔江送過蒲萄架  
葉葉離披太瘦生

的的明珠江上懸驪龍赤甲抱珠眠高江剩得風和雨  
幻落生綃骨未仙

西域蒲萄原有種涼州佳釀最堪斟東風點染添清籟

何處草龍簷外吟

己亥八月方東山招與弘兄飲華津洞

華津洞古先朝寺木落秋高風露深客到洞門不得路  
野猿山鳥共追尋

嗟呀石骨上通天不鑿如來太磬全青削芙蓉還朵朵  
紅堆瑪瑙自年年

浙江觀潮

十年八月江水清今日江頭風浪生銀山墮地急不碎  
雲岬連天迴轉驚

吳胥忠義動天地足馬三秋江怒號任地越王萬弩發

夜鞭韁

言念故人耿耿那堪岐路迢迢逆瀨風清心駭登途雨  
潯魂銷

十日夜抵聞講書院鑑塘張筵具戲夜分始別  
未弛泥塗遠轡先叨錦綺芳筵道義百年炯炯論思五  
夜綿綿

十一日夢裏思歸

式觀台衡襟度從開衰鈍心顏懣柰連宵風雨夢回千  
里家山

喜見寬平大政更聞冰蘖直操堂上應綿老壽膝前定

衍兒曹

白鷗園感懷

綠野堂稱開爽白鷗園更盤桓底事機心未息漫天濁  
浪摧殘

宦海風波險遠回頭覺岍難登已托白鷗身世如何汨  
沒無憑

鷗泛幾從人狎人心那負鷗盟放浪碧波深裏虞機可  
得追迎

鑑塘撈舟抵鉛山聞王敬所入信校士乃別

雨過溪流注濺巡谿放舸徜徉珍重故人纒纒能憐臯

蓋相將

向夕維舟河口招邀登眺仙嶺曉發弋陽報急使君忽  
展歸帆

星火中宵走使盤飧辦給行厨翊我登山遠興不妨采  
藥長駟

十七日次貴溪飲楊源山吏部見月有作

三十年來間別相逢一笑堪憐猶記春風躍馬上林心  
興依然

雨後新晴覺爽懷人見月偏憐况是同袍坐酒中宵情  
話怡然

上清宮

天一池通玄竇鳳翅嶺逼丹霄路入上清爽朗雲移仙  
界逍遙

寶構金寮帝闕龍蟠虎守神樞翊贊天皇萬有皈依法  
教三無

地闢天開禁籞山環水滙蔽區百代赤松玄圃九霄玉  
簡清都

龍虎山中養道鶴歸亭下校簪虛靖真人仙境簪簪空  
鎖茆庵

仙品

不減潮頭千丈高

嚴景園紅梅故處坐月和韻

西子湖頭嚴景園紅梅春老萬花繁如今蝶去香魂在  
涼月滿天鴉噪喧

秋風江上鴈聲孤落日溪頭木葉疎尊酒不妨人共醉  
碧天雲淨漾冰壺

桃花花圖

惟底東風桃杏花逼天濃艷漫誇遮不憐瘦竹湘江晚  
苦節涼陰泣露華

竊仰陳宗寶樹聿紹年休而冲谷金閨尤隆世講



肆發闌臺之秀弘開玄室之祥眇觀靈光上千斗  
分徽圖八景茂引千年聊分揭乎短章式互昭夫  
元化

石屋山高碧嶺懸懸岩嶺盡見重泉東風鼓動春雲谷  
沛作甘霖下九天

水冽甘泉賸可斟秋來霜露總關心漢家何事仙人掌  
一滴金莖說到今

雙峰峰高高刺天左奎右壁相鈎連生申不獨歌嵩嶽  
秀入湖南此象賢

吉地當心得寶藏筆峰正面發文光朝來嵐氣和雲物

擁出虹霓百丈長

精神何處可通天  
竟夢潛開太始先  
陶侃八州元有兆  
牛眠今喜爲君傳

石骨崢嶸通地脉  
山泉環抱出玄臺  
不緣黑虎連天吼  
曾得蒼龍噴地來

蒼蒼山木出風霜  
裊裊藤蘿牽日光  
武穆孤忠千古異  
太丘綿衍萬年長

百年養竹托根芽  
一夜雷聲地底回  
胎鳳刷雲雙出閣  
籜龍搏雨並登臺

七夕予誕辰也  
哀中無以自慰  
爰即事分賦七章

鵲填銀漢秋光淺燕集雲屏恨可添一息千年天未老  
雙星此夕爲誰淹

帝駕平臨百子池同心綰就萬年絲春風不共蘭消歇  
傳得于滇樂舊詞

緱氏山頭吹紫簫月明今夜霍飄飄飛仙自是多靈訣  
何日相看王子喬

星月光華切漢明丹霞赤堯隱神京漢家此夜倚蘭殿  
千古雄才說降生

承華殿齋白雲封西王母臨青鳥從祇緣漢武好奇詭  
偏向星朝月夕逢

晉代清狂不可支  
長竿犢鼻笑應癡  
何如腹內蟠經史  
五色烟雲日下移

風前香粉乞同占  
月下金針巧更拈  
卻把春心隨眼換  
謾教玉指閒纖纖

題后屏圖簡別盧諫議年兄北上

梧竹淨開青瑣闥  
屏臺虛倚白雲臺  
不辭八月浮槎上  
端向天都捧日光

夢姚江邵氏泣先君  
清江舊隸向予泣  
覺而口占  
燕宗露下陳芳奠  
淮卒風前生感嗟  
遮莫聲吞回雀夢  
月明猶自隔窓紗

即畫景爲蓉峰中翰題

閒亭落木翻多興，秋遠峰高望轉賒。  
坐憶明光時起草，芙蓉點染日生花。

九日偕徐六橋過東山陳水部延賞三絕

深院芙蓉迥自奇，輕紅淺白雨偏宜。  
秋風江上人千里，此日花前有所思。

傍節黃花一段奇，東山書院更相宜。  
壺尊坐對還風雨，此日淵明應爾思。

陳蕃徐孺風格奇，豫章傾下南州宜。  
惟底東陵老詩癖，漫憑尊酒費長思。

哭楊兒五首

楊子濟顛兒降生楊子江上風潮平中流一息七十里  
好怪神人生有神

三歲孩提萬里歸舟車奔突日吾依詩章曲調時相語  
不道機心是禍機

道道通天巫峽險一歌一笑若爲歡家鄉平地無傾覆  
忽爾風波失脚難

枯生偶爾爲兒名棄委枝寒秋轉驚不見高岡十尺異  
朝陽空憶鳳皇鳴

誌石空留千載恨題封欲解早時愁不知抽動春蠶繭

脉脉長思沒斷頭

泉上錢震庄辛地官入留都三絕

使君家住汾陽西平疇東郭繁鋤犁春雷一夜轉天發  
雨過千村花滿溪

玉泉之水清且漣使君一勺心冷然與君對酒坐泉上  
山果野花秋更妍

閃頭魚鳥信無猜白下鴉鴻首重回何日瑤華煩折簡  
泉山野客向風開

偕豐村山遊書僧天然石洞玉泉月下觀梅各一

首

短髮長襟然上人十年一榻不知春  
黑灰劫盡紅蓮出何用烟霞護此身

九天涼月照人圓千尺明泉更可憐  
散步忽驚魚自躍神龍獨抱夜珠眠

豐村同游諸君子各索題號次韻

梅花千樹草堂西春去花飛遍野溪  
行過溪橋新雨後一聲鷓鴣隔林啼

野溪邑博

急峽高江苦問津漫天風浪可愁人  
何如沽酒新豐市笑折梅花寄遠春

梅津富丈

谷口野梅春發香樓頭紅杏且新粧  
道人不共東風老



寒樹三花晚更芳

梅谷比丘有杏花樓

四月中旬初入夏  
隔林新筍已成竿  
涼陰葉葉秋千里  
客枕京華夢未寒

賓竹逸人

高雲別館通玄客  
點就丹砂刷羽衣  
何日九天雷雨後  
一聲仙笛月明歸

崔烈士

枯木竹石畫爲李孝甫題

古木雲平高節槩  
新篁風細稊鳴珂  
何如彩鳳來天上  
千仞岡頭春雨多

泊南湖五龍橋與槐溪孫桐鄉對酒

赤日黃塵晝欲昏  
九天冰雪乞無門  
何如棹入南湖路

喚起五龍波浪翻

五龍橋曳蒼虬出十里湖分玉鏡寬與子索衣橋上立  
長風六月夜生寒

風吹黑雲過海頭水蟾入水銀光浮清尊短燭夜剛半  
寶刀贈君橫斗牛

孫子時當宣石言別故云

湖西晚眺和少泉給舍韻

醉裏晚看湖上山山前流水幾千灣扁舟一棹漁鳬起  
人在芙蓉烟渚間

西溪亭館湖西路上客閒尊散酒醒日落尊傾不歸去  
蓼花菰葉漫尋詩

暝色已涵千頃碧秋光不改萬山青  
醉憐涼月初弦上行過斷橋人未醒

九日對菊和嚴學陶韻五絕

淵明何事繼東籬爲傍寒香落酒卮  
此日君平能愛酒一番把菊一題詩

霜風摧折萬千花一種芳香別樣誇  
西子何緣甘冷淡青山掩映過鄰家

甘谷何人飲上流也應家住菊潭頭  
金精王律元多壽蝶翅蜂衙可浪求

妃子新酣半掩羞明皇恩寵上眉頭  
馬嵬坡下花如霰

招得香魂伴酒甌

東籬贏得秋光晚菊樹含香  
九日開疑是玉人迎露下  
分明金雀報霜來

題金菊芙蓉卷爲沈方竹寄意

秋來金菊貯寒香  
隔水芙蓉試晚粧  
自是美人好局潔  
相依脩竹過鄰牆

題春山盡屏美人四絕

散步蒼苔日未斜  
枝頭忽見豔交加  
妾身莫道春無主  
昨夜東風開杏花

長夏延風翠幔新  
高槐匝地午陰勻  
籠中鸚鵡休饒舌

打覺絲牕春睡人

倦刺停針下繡床  
閑階露立闌新粧  
芙蓉底是多顏色  
曾比奴心鉄石剛

朔風吹雪塞垣深  
暗擲金錢問遠音  
妾寄征衣郎勉力  
樓蘭早晚擬成擒

春日湖堤看花五章  
僊侯齋簡坐二同年

東風湖上颺春雲  
萬樹桃花生錦文  
羞殺隔船紅粉面  
巧將花樣閑花芬

湖天倒影萬千花  
西子奩開寶髻斜  
娛樂不隨流水盡  
笙歌還傍晚雲蒼

補遺桃花開更繁枝枝入水雲霞翻玉驄嘶過不知路  
笑問武陵何處源

與君曾看上陽花今日西湖花轉賒夢裡追尋十年裏  
春風取次上烏紗

湖船載酒看花來花外斜陽送酒杯留取一枝明日看  
休教羯鼓夜深催

簡學陶索菊答謝二絕

白衣謾說重陽酒黃菊新開舊隱花昨夜香風遞消息  
好移官本過山家

雨中乞得菊花來笑裏迎看醉眼開樹向新堂培舊土

隔年蜂蝶莫相猜

十月一日過沈少泉對酒賞黃紫二菊口占

初冬間過沈郎家細雨從看黃菊花知是風霜清徹  
一枝瘦影上雲沙

時少泉病起故云

清瑣新堂舊雨來紫袍花樣傍秋裁亭亭不共風塵老  
謾倚斜曛開酒杯

題畫

玄經草罷攤書讀時有松風吹布袍客子及門問難字  
杖藜散步過溪橋

得雨和孔文谷宗工韻

愁絕春來十日霖而今一雨愜愁心  
齋居夜半燈花發  
爲報先生喜雨吟

湖上瞻心禱雨祠江雲如幕忽垂垂  
楊枝竹葉如來水  
酒向郊源慰我私

替爲游子和東匯詞三年矣茲者偶遇感賦二絕  
風雨村庄遇所知桃源舊憶故人詞  
春心一曲情千種  
訴出新愁與舊思

白洋池頭桃杏花西風紅葉漫交加  
驅驢貰酒遠相聞  
醉拍青樓歌紫霞

振枉青霞李子飲西溪庄夜泊湖東即事三絕



西溪樓閣逼雲霄勝入湖山足盡描雪後春前更奇絕  
萬峰當戶翠相邀

向晚移尊急盡船  
燈坐酒夜雲連湖心一派簫聲發  
驚起撩雲江鴈偏

西湖雲水鏡光懸  
千朵芙蓉青可憐  
君有天才醉仙境  
好憑幽思發新篇

對菊詩簡龍岩  
監司龍岩仍以詩請再用簡畬

晚節寒香開較遲  
霜華點染下高枝  
茱萸堂冷落潭無賴  
獨抱清尊空復思

誰道秋花應節開  
而今節後尚華英  
美人自古多遲暮

不同東風浪品裁

毘陵遭春山夜酌別

訪洛原余走北溪不過戲

簡

寺裡看花勞醉眼  
閑頭緩步散閑情  
山中宰相何由到  
驚見樓船花外行

三年湖上日思君  
柳眼花枝幾夕暝  
喜劇今宵不成寐  
希疑昨夜夢中分

昨漫相逢今更別  
樓船棹發菱溪頭  
巡溪走馬急不見  
橫笛短歌添客愁

龍岡篇爲李武進畫郭無錫邦光題號用志家居

夢兆之異和韻各一絕

使君家住龍門岡桃花入浪春風長  
巨魚躍出渤海竭  
萬里丰神雲水香

千仞岡頭龍躍淵風雷入夢高雲騫  
一聲霹靂半江水  
倒挹天河星海懸

春時走嘉禾豐村已過湖西急歸弗值  
今過清真  
道院與豐村燕敘賦三絕見意

三月玄關迥自扁使君駕崔醉湖亭六橋  
風雨歡誰共  
辜看花間隻玉瓶

君到湖西春雨多我來西水更滂沱  
一年遊興知多少

盡付漁舟與釣叢

扁舟來訪故人還不是山陰剡水灣  
歸路烟雲情不斷誰云興在去來間

簡齋楚東湯別駕見招爲道場之遊三絕

棹入烏溪烟靄分故人折簡意何勤  
風前笑問不知路爲說山靈日候君

溪上長風飛彩鷁沙頭新水浴蒼龍  
天公特解故人意頃刻何山見遠峰

故人風格非凡品曾向天池筵羽毛爲愛吳興好山水  
一奩詩草伴恩袍

題江門姚唯之便面次月庶張之象韻

我昨何山駕彩鸞道場車蓋下回看夜歸碧浪波心月

照徹江門萬里寒

車蓋山何山之崇道場何山之麓也故云

耶溪曲三唱

盡船簫鼓止耶溪溪上尋真散馬蹄不見溪邊採蓮女

紅香搖落傍溪西

灘高水急舟上遲十步一挽煩推移隔溪遙憶採蓮曲

停閣酒杯歌夢詞

太液誰誇十丈蓮耶溪萬朵更鮮妍而今露冷無消息

留得芳香笑口傳

竹箴篇三唱

耶溪水剛三尺深昏黑放筏愁人心灘頭直下疾于矢  
射起老龍中夜吟

耶溪影落星河光英英露濕羅衣裳興來喚酒急不至  
浪殺篙工翻酒鐺

耶溪三十里紆迴彷彿乘槎泛斗來樹色灘聲乘遠興  
野猿山鳥通行杯

麟鳳呈祥扇持贈南泉楊水部使楚三絕

朔吹寒聲動地來好將寶扇向君開麟祥鳳瑞明時事  
萬里春風盪九垓

刷羽梳翎幾日工  
巧粧純扇出深宮  
楚江江上多明月  
坐對清光酬晚風

高格臨風別樣裁  
金泥點染落寒梅  
清江水部元多思  
把翫當歌日幾回

題方竹扇景用韻

扁舟漫往曲江湄  
千里春風欲暮時  
安得清尊傍明月  
與君相賞更相宜

苓泉開尊嘉樹亭因憶藕庄三絕

湖南零落藕花庄  
昨夜西風褪粉香  
賸有一枝高格在  
離離青子出橫塘

藕庄花月舊風流翠蓋紅粧新水頭恠底摧殘蜂蝶盡  
滿池清影不勝秋

琴泉載酒藕花開嘉樹亭陰思轉哀何處  
一江風浪隔天來

詩轡心漁翁燕慰緒山錢子丁二絕

年榜情推兄共弟而翁端合我親同况聆警款承如  
生死如何不感通

心漁東海垂綸久躍出長鯨與巨鰲浪滾桃花春禹里  
九天龍寵薄雲高

接翅雄飛恩似海漫天逆浪禍如山而翁言笑心常泰



欣戚何嘗向此間

信山以荆曹後達弟亦中選以籍隸革故云

簫杖倚風吹月冷琴床撥雨卧雲酣千年師曠成心感

領得元聲手自譜

翁瞽而聰素諳音律

不學面牆剛自見而翁學古且通經胸藏千卷靈光發

愧殺雙眸爛若星

筇輿延攬龍山勝劒石留題向虎丘自是胸中有谿徑

誰誇當日子長遊

乳畜生來不解書六書豈義竟何如義文千古開心畫

安用又離辨魯魚

家貧抱拙愁無計太乙先天術已神曾似鄉評錢一判

百年信義動簪紳

陽明心學稽諸聖海內宗之山斗長學道自甘遺祿養  
四然端的見非常

百歲那堅十五年神完何用學逃禪一朝解脫無煩惱  
笑入泉臺骨已仙

春來數箇雨坡老爲吊心漁江上翁底事湖頭新雨過  
一帘詩草萬花中

雨足湖南草樹深故人相見一沾襟挑燈坐酒看遺稿  
何日重開雲夜吟

香閨襟詠

評花鬪草日成歡萬綠千紅底樣看得勝莫教誇笑臉  
須知妾有寸心丹

蕉葉臨風展翠幢竹枝帶雨發新腔雲和欲奏湘靈遠  
祇見嬰兒燕子雙

閣筆留題漫自裁愛身憂國兩情該窓前皓月能相信  
花下遊蜂莫浪猜

梅花香煖洞房深一曲冰弦托素心底似知音人不見  
滿天涼露濕衣襟

念菴勛趙懷甫承恩用來韻

君恩祖德同天地抽動心思沒盡頭忠孝百年常任念

念菴此外更何求

承恩祖二江公爲御史有遺德垂諸后故云

慙予五馬分符日坐對浣花溪水頭念以名菴君克念聖功端向箇中求

陳玉泉遺我淮醞而余適生子戲答二絕

二十年前淮浦游蒿蘘桂釀胆誰儔而今渴吻深如海何目相如病可瘳

曉來蘭室報添丁忽訝文厨走步兵不是清淮風味好老懷那得醉深觥

紀夢二絕多夢中語

太史新開滿百坊夢中親見近山堂清尊野客爭相賀

覺起猶聞春酒香

近山骨髮已稱仙百歲襟期一轅然天地可能齊雀算  
冰霜元不老松年

卧病山中依此松柏之下悵然有懷作松柏吟  
松柏陰森看節槩冰霜越歷見天真東風桃李花多少  
落盡園林空復春

翠柏蒼松高出林誰知苦節倚雲深他年柱石元材望  
不負栽培造化心

劍岩篇爲張叅戎題

岩頭寶劍幾千年白日長鳴徹九天一自君家勤抵掌

封侯端不負龍泉

腰懸琤劒白如霜  
鐵騎生風箭有芒  
爲說十年輕擢建  
應誇百步早穿楊

臂挽烏號力有餘  
手提龍劒意何如  
只今海嶠多遺虜  
憑仗韜鈴一掃除

冒雨過南泉沈秋卿夜泊共四絕

昔年冰雪滯茶湖  
今日重來風雨俱  
爲愛休文多意興  
山陰舟楫任長途

雨急長安壩上舟  
夜深沾濕迥添愁  
何如躍馬長安道  
萬里春風花鳥稠

夜泊茶湖風雨聲接天波浪搖  
驚披衣急起喚舟子  
好把頭稍攢纜生

大風拔浪雲若屯地維欲折天爲昏  
野客擁衾坐舟上  
閑聽蛟龍吟海門

胡中丞誠甫索題瓶山四景和近山韻

春先遙憶乳溪城  
雪竇銀瓶徹底清  
孤嶼月明  
梅花香煖夢中行

習靜山中養道心  
銀瓶高拱白雲深  
南薰吹奏海無聲  
肯向風前覓眞音

清秋江上盡丹楓  
露葉霜華綠  
綠同照入銀瓶添色象

山翁端坐有無中

雪漫銀瓶山更奇  
瑤天玉樹見高枝  
挹斟元氣從君得  
指點中黃太古時

庚戌春朝楊南泉水部過我索題試筆三絕

新正四月開新霽  
瑞靄祥烟繞敝廬  
忽報草玄高客至  
兵厨臛酒伴春蔬

河東辭賦舊稱雄  
郭北詩篇今轉工  
自是容間有佳興  
新春取醉笑顏紅

吳門雨過落花生  
茗碗烹來分外清  
醉后一杯風兩翼  
翛然玉宇下蓬瀛



棹發浙江入閩省  
兄夜抵富春次早登桐君臺三絕

思兄天遠雲常駐  
別弟江高日未斜  
迅發長風遲入夜  
恍疑星海上仙槎

棹發中流經百折  
六和塔影更相依  
富春夜半停橈處  
驚起沙鷗故故飛

桐君臺古臨江水  
旭日登看赤岸開  
不是山人有遊興  
使君那得幾回來

入七里瀕得句登藹予陵祠和張紫石韻三絕

晴日長風上瀕船  
山盤瀕轉費攀緣  
釣臺只尺雲千仞

屹立中流世所賢

荒臺一上萬緣空  
塵海分明波浪中  
曾似客星光帝座  
百年身與白雲同

符開赤袂神明主  
夢揖羊裘草莽臣  
自是古人有容德  
不令金紫貶吾真

過烏石灘宿柴埠曉發潁水上蘭江二絕

江枯水落灘聲遠  
烏石當關虎豹蹲  
昏黑牽風上柴埠  
夢魂飛繞鶴鷗原

一日蘭江百二灘  
灘高水緊得篙難  
舟行寸步心千里  
何日帆檣生羽翰

龍游過背鋒灘紀異

石壁嶙峋寶氣生背鋒灘下夜常鳴異人笑指得金埵  
絕壑橫江風雨驚

安仁鎮侯益齋方叅戎抵三衢江口夜話三絕

灘上遙聞鼓吹聲樓船隱約寒雲平安仁夜泊思君切  
坐對長檠籌短更

曉起輕帆上急灘盤渦溪口下回湍先馳自信君舟楫  
千里長風一葉看

三衢城下識君遲忽漫相逢宛故知促席更闌話長抱  
百年那復是襟明

西安道中即路宿江山公館苦雨各一絕

曉發西安南路頭隔溪菜麥翠盈疇輕陰霏雨春心淺  
不共灘聲日夜愁

省兄閩越瞻心切風雨江山去馬難歆枕中宵不成寐  
兼程何以慰愁顏

宿江郎山下曉行經仙霞茶嶺龍溪大關諸勝六  
絕

野宿江郎山下路村翁坐酒話江郎山靈千古多神異  
翊我飛舫下建陽

息肩野店星河燦卧聽晨雞急曉炊底事山行苦行役

不堪霧雨浥征帷

望入仙霞鳥道還寶安橋下水潺湲高天只尺開雲日  
萬里蓬壺指顧間

仙霞初下關頭水茶嶺重開石上雲複道迴溪千百折  
行人到此倦斜曛

赤虜蒼虬迸石岩雙飛珎劍半開函雲坳不斷天河水  
目送車輪遞馬銜

斜日輕輶上大關萬山迴合倚雲間岩頭瀑布三千尺  
獨立風前一解顏

上楓嶺梨關經九木五墩漁梁仙陽諸鎮至浦城

三絕

晚行楓嶺新開路飛瀑驚湍下淺溪  
一上梨關天萬仞此身真與白雲齊

梨關絕頂瞻神貺香火瞻騰烟霧迷  
日射天門初破曉林鴉飛薄帶朝暉

仙陽橋下溪水深浦城城下雨沾襟  
苦霧四山結愁眼寒雲昏黑摧人心

唐竹南順昌開尊宿三篷舟次

唐興

浦城之舊名也

城下寄行厨客裡開尊笑語俱自是竹南

有風槩宦滋鄉味辦春沽

孤舟春夜永如年四遠灘聲入夢便安得鳴雞催曉發  
推篷鼓楫下平川

三篷小艇疾如梭淺槳輕桡更若何自是連宵新雨過  
一帘珠瀑瀉銀河

經將軍石鼓諸灘泊丘園夢與兄晤覺并賦此  
將軍山高靈氣徂將軍灘急如奔胡萬石嵯岈列行伍  
恍疑八陣雲安圖

水擊灘聲石鼓鳴長波洶湧陣雲橫篷窗指顧旌旗影  
屹立當關衛我行

舟行盡日下灘遲急雨狂飈不可支野泊丘園暫棲息

繁陰卉木晚相宜

未入閩中先入夢  
懽握手話相從  
百年真感情方適  
長浪驚回卧短篷

水口逢古田吳麒山<sub>至</sub>話晚二絕

江上逢君入暝時  
接天燈火照江湄  
扁舟野客心千里  
徙倚風前問所思

赤城風節舊稱賢  
君綰銅符入古田  
爲愛溪山亭第七  
春來花柳倍生妍

壽徐澗濱父南澗翁八十兼簡澗濱和韻

中秋華月海潮生  
舞袖斑斕遊子情  
北斗杯深南極現



風前先聽祝延聲

偶逢建水築雞壇他日鷗盟未許寒報道而翁今大耄  
好攜三祝過西安

溪山吏隱足高眠况復怡親厚所天箴筆定瞻紅日下  
稱觴先傍白雲邊

武夷九曲櫂歌和紫陽夫子韻

岩棲壑架可通靈况復溪流徹底清此日尋仙來九曲  
隔溪先聽櫂歌聲

一曲灘高欲上船屹然天柱障前川櫂歌未發驚回首  
風雨千山生暮烟

二曲青憐江上峰天然玉女淨脩容  
仙冠石亞花金鼎粧鏡臺高翠欲重

三曲岩棲採藥船天風海水自年年  
秦皇漢帝俱塵土留得仙舫誰與憐

四曲留題劖石岩風吹短髮半氍毹  
釣魚人老臺千古坐見峰前月一潭

五曲溪頭烟雨深隱屏迴繞護雲林  
當天屹立文峰出不盡高山仰止心

六曲殘春花滿灣隔林啼鳥尚間關  
客來倚棹蒼屏下去住無心雲水間

七曲飛泉下激灘動中消息靜中看山深春老水霜結  
笑挹天壺祛曉寒

八曲岩阿石鼓開筍洲魚磻水沿洄輕舫急槳番多興  
不問前溪風雨來

九曲臨溪一輟然平生歷覽幾山川曾如香石靈峰古  
秀出東南萬里天

七夕悼先宜人

三十四年同乞巧與卿攜手拜雙星而今目斷天河水  
獸立風前淚幾零

年年七夕逢初度瓜果庭陳慶女牛今夜月明無限思

鵲橋雲鎖翠眉愁

吳墅遇余東臺常州話西川之舊感懷

雨急關頭新水生故人相見重含情  
追思取醉梁園日忽聽春鷄三兩聲

千古蛾眉解悞人么郎底事向風塵  
關頭漫說十年事悞恨桃源洞口春

瓊花觀

隋宮風物最繁華今日維揚倍感嗟  
爭似瓊花有根蒂一枝春色尚誇遮

無雙亭子十年期千古瓊花說盛時  
寶砌瓊臺春不改

那堪枝葉半離披

露筋廟

烈女英風秋日寒  
荒祠斷碣傍河干  
可憐筋骨千年在  
不問肌膚一夜殘

綱常在處思全節  
刀鋸臨時不顧身  
村女早年知此義  
奸雄甘死老風塵

寶應湖

寶應湖陂秋水清  
長帆短楫午烟明  
波光萬頃心千里  
何日寬閒底樣平

長風迅速湖心遠  
細雨霏微客夢長  
覺起篷牕坐空濶

班花香霧鬱滄茫

漂母祠

三傑勛勞百戰餘全齊封拜未應虛漢王恩寵知多少  
曾得當年一飯如

日落城闌淮水頭千金一念未全酬王孫血食生前盡  
漂母聲名死后留

中秋古城翫月乘風發白洋河有懷六絕

急水灘高月倍明中秋坐酒若爲情湖西千里思親夢  
能得過飛到古城

華月初升擎玉盤須臾雲彩燦河千扁舟搖曳孤帆遠

坐對清燈夢未安

萬里高天月正中  
白洋河口片帆風  
星槎迅速遵牛渚  
仙使招搖犯斗宮

棹發中流翫月垂  
天風海水入雲除  
百年塵土渾無賴  
此夜丰神謾有涯

野興逍遙天路長  
天風一棹上河梁  
垂垂玉露夜如洗  
滴滴銀蟾秋可望

憶昨西湖泛月明  
而今北路更含情  
玉人何處吹簫遠  
孤負王郎雙鳳笙

徐浦六詠

彭城環繞汴河流  
秋日登城楚望收  
坡老居民有遺澤  
黃塵常鎖鎖徐樓

右黃樓

戲擾烏騅掣電開  
虞姬歌舞笑登臺  
英雄不盡功名恨  
落日秋風荒草哀

右戲馬臺

古井危樓侈大彭  
凭虛酌水托長生  
如何亦自多磨劫  
殘甃斷碑空月明

右彭祖樓井

韓讐未報憑黃石  
漢業初成藺赤松  
露重風高蟬盡脫  
空山那復老人龍

右子房山

歌風臺上黃雲生  
秋日登臺感慨并  
千古英雄有風槩  
可因鄉土示崢嶸

右歌風臺



泗水亭陰烏夜啼炎龍曾此一羈樓而今王氣千年在  
斜日長風聽馬嘶 右泗水亭

太白樓

謫仙斗酒詩千首口是仙才傍酒豪寄傲任城倚天闕  
曾如采石漾宮袍

太白生前詩泣鬼杜陵老去語驚人而今四壁多題品

可是能傳李杜神

如李剛中之作似亦  
驚人而泣鬼矣

除夜哭先室宜人

歲除火砲喧天地老我懷人獨送年柏葉梅梢遞消息  
春心何處轉凄然

今朝卒歲那分歲明日新年憶往年  
底事燈前人不見  
菜盤樹盡淚潛然

九日湖上賞芙蓉十絕書呈環山太府草木皆春  
卷

重陽把菊霜前節今日看花湖上杯  
自是主翁好胸次  
消腔春意傍秋開

慙予曩守錦官城城上芙蓉花外行  
曾得西湖托直宰  
六橋十里萬花明

春日蘇堤千樹桃至今湖上說賢豪  
秋風錦簇芙蓉障  
南北峰前調轉高

膩白嬌紅笑語聲沿隄露立占高風湖開西子天然貌  
添得秋容一段工

出水芙蓉秋更嘉托根籬落伴黃花閒情靖節人何在  
文雅環山興未涯

芙蓉粧面鏡光浮長夏紅香新水頭爭似邇來千萬朵  
碧天涼露下高秋

病眼看花煞有情枝枝葉葉向人傾西湖一曲開新賞  
不羨東籬舊隱名

碧桃紅杏總稱奇江上芙蓉亦有時歛占秋光看不厭  
漫憑芳賞醉高枝

秋香亭上拒霜開  
獸向君猷開幾回  
蜂蝶無愁人未老  
一尊相對句新裁

秋來濁酒伴寒香  
冷淡偏憐趣味長  
更有芙蓉堪把玩  
不妨風雨暗重陽

簡謝謝芳塘盡菊并題芳塘用來韻各一首

高槩凌霜晚更堅  
丰神近向畫圖邊  
東籬把玩情偏適  
千古真推靖節賢

謝家玉樹總稱賢  
夢入池塘春草邊  
自是東山遺範在  
筆鋒早擬破符堅

芳塘能詩善書  
且良于畫故云

賀何虛泉誕子三絕

昨宵東壁現長庚照入南箕切漢明曉起君家報生子  
蘭湯浴出試啼聲

纓簪世德家聲舊四十年來子未遲王樹森森連曉發  
春風披拂上階墀

聞君立子喜非常折簡臨風翰草香何日筵開湯餅會  
尊前端的羨何郎

簡拉一菴唐兄不至并憶賢郎二絕

故人棹發下菴溪笑泊湖頭烟水西折簡茆堂話時事  
清尊長日費招携

老雀將雛入武林隻棲石佛蓼花濤九霄何日搏風翮

清唳一聲滄海陰

仰泉林博廷材索和小泉大司空墳麓別卷因憶  
泉翁

寄傲東風萬里長  
攤書鎮日卧雲床  
興來坐展墳麓卷  
滿紙烟雲開草堂

君家積善慶隆長  
袍笏相將日滿床  
老我泉翁更殊絕  
百年遺範在泉堂

當年誼別水雲長  
千里情聯風雨床  
寫入牙籤看不盡  
一番清淚洒芹堂

西溪劉鎮江希召開讌焦山即景六絕

雨過郊原麻麥齊  
野棠花發傍町畦  
聞情笑問抱甕者  
脉脉香風隨馬蹄

右出郭

水落潮迴江岸平  
長風遲日海天明  
扁舟未渡心千仞  
故故鐘聲隔浦迎

右渡江

隱君風節重江山  
屹立中流不可攀  
試汲東陵一斛水  
倒傾天地洗塵寰

右登山

汲江亭對海門開  
一自潮生萬壑哀  
今日我來歌吹發  
蛟龍驚起醉深杯

右見海

四座江山疇作主  
一天風日我同登  
荒亭呼酒急不至  
乘興稍斟辭儘能

右縱酒

昏黑放舟江水長江風拂拂吹羅裳星彩燭天大如斗  
滾滾躍出玻璃光  
右放舟

簡定菴徐西魁并六亭陳水部五絕

文采當年羨石麟隻撐一角見丰神如何聖世禎祥

別放逸郊原未易馴

定菴敷詔同見敷謨皆余川中所舉士以疾各未仕故云

執苑掄評入數年大蘇還說小蘇賢弟兄師友淵源在  
傳得三石隻鳳鸞

萬里思君風雨聲相看此際倍關情而今一曲關頭水

帳望滿天空月明

六亭權木手枕擘定菴至此而弗克面故云

南州高士姓名傳下榻誰誇仲舉賢此日湖亭好松竹



一帘清夢更悠然

曩予司牧浣花溪隸駟騮誤品題安得遲官十年後

看君騰踏試霜蹄

六亭時方弱冠後三科而魁西川故云

簡畲張石川唐荅州二通叅三絕用來韻

西湖花柳醺清波載筆尋詩一逕過春色何緣撫客思  
臨風拚醉共高歌

予方去國任風波子壽才名不啻過邂逅湖山一把玩  
白雲蒼靄接行歌

輕盈羅襪解凌波新月樓頭載酒過千古風流一時興  
請君試聽莫愁歌

湖上六橋山庄賞牡丹戲簡六橋三絕

六橋春老萬花葩更有名花別樣紅  
晚秀亭前一延佇  
綳簾高蓋下天風

春風開到鬱金香百寶闌前襯粉粧  
底事東君重相惜  
一尊剛自醉斜陽

相看國色恁繁華絕艷濃粧不可誇  
憑伏東皇深愛護  
莫教零落漫天涯

昨扳東滙以事見辭今辱見招病不克赴簡謝三絕

朋儕年誼孰如君避地來游湖水濱  
愧我壺觴傍明月

漫憑詩句賦傳雲

花滿簾櫳酒滿卮  
風前折簡荷君私  
如何伏枕南窓下  
矯首臨風空復思

滙溪百里水雲連  
昨且思君今目前  
底事無緣共相賞  
薰風長日伴愁眠

輓沈方竹四絕兼簡巽亭

百年方竹多風槩  
直節虛心解活人  
種藥不嫌塵市裡  
一畦膏雨萬家春

方竹醫人可自醫  
風稍露葉半離披  
獨憐慈竹瀟瀟夜  
不盡湘江萬古悲

靈根千尺雨中深  
苦雪寒冰不可侵  
春到上林筍鳳翥  
風廻谷口籜龍吟

秋風江上思方竹  
瀟洒寒牕夢不成  
露下月明無限思  
裁詩擬托鳳鸞笙

故人王方湖詢劉平川應箕監司我浙志喜各四絕

萬里思君二十年  
錦官花木滿前川  
秋風一棹湖心月  
笑挹清光夜不眠

吳門花鳥賞心期  
風雨聲中費所思  
今日湖山看節蓋  
滿前光景一題詩

憶昔君家眉宇清而今丰采重連城風霜老我頭顱在  
感慨何妨太瘦生

少城書院近重開爲憶當年清廟材逸駕長瞻天尺五  
微垣雄構出三台

巴蜀天高萬里懸梅溪一曲下平川江山千古多靈湫  
秀出更生世所賢

花滿姚江幾見君而今丰骨更超群六橋魚鳥瞻心切  
高蓋風前散五雲

柏臺風節重監司藝院聲華敢自私老我閒情托泉石  
多君高誼下階墀

高懷長愧蜀多賢折簡情傳萬里天玆重牙籤幾編次  
臨風展對一潸然

臘八日夢與岱林張憲副一厚喫豆團聯詩覺而  
賦此

驚心偏逐送年詩把筆夷猶入夢思坐對平原張牀子  
一尊千里話心知

夢中笑覓豆團詩野客年來重爾思昨向華岩曾問遺  
可無筆札慰相知

宿廬山絕頂過天池登凌虛閣各一絕次陽明公

韻

匡廬有客岩頭宿行盡丹崖與蒼麓天風兩袖興悠然  
何日緣崖結茅屋

四面山巒自賓主滿懷風月任採取一斟獨酌心冷然  
絕勝如來甘露雨

高閣凌虛敞玉臺九天閭闔爲誰開月明何處鶯笙發  
知是王郎賀霍來

題松谷

齊雲岩谷何蒼茫長松影落高雲張我來谷口坐松下  
閒聽松風分外涼

卷終